

清夢齋二白詞

清夢盦二白詞

蘭騷刺譜

寥碧無際。煙霜滿秋。玉軫一彈。人天俱寂。窈窕蘅  
薄。忽逢靈妃。蘿衣颯然。睇笑相接。如有恨語。我爲  
楚歌。長洲沈傳桂識。

蝶戀花

細雨初收。煙萬點。燕語惺忪。絮碧橫蘭檻。隔岸空濛。迷翠  
漱。孤花著樹。橋頭店。柳下朱樓。剛半掩。卸了簾鉤。一縷  
鑪香歛。玉帳無人寒乍減。綠簫閒煞。桃枝簞。

鬲溪梅令

一年春盡雨聲中。恨忽忽、萬綠亭臺。何處舊簾櫳。酒痕和  
淚濃。碧蕪雙燕語玲瓏。畫橋東。滿樹斜陽。猶自閒疎紅。  
落花衣上重。

暗香

殘紅

試妝人寂甚。冷紅淚點。留將晴色。數曲畫闌。縞袂相看解  
憐惜。花外柔條自綠。煙影重、斜陽都隔。但不語、巧背羅茵。  
愁曉露華泣。空憶舊堤陌。想樹底、樹頭亂英猶積。翠屏  
夢窄。一萼東風費尋覓。祇有棲香燕子。芳徑晚、梁泥還濕。  
萼片片飛暮雨。更銷怨、晚。

疎影

新綠

林亭雨歇。正柳枝小小。低舞回雪。日暮汀洲。采盡香痕。漸有聲聲。嘯鵲斜陽。祇隔長亭外。柰草色重看都別。算幾番嫩暝。尖晴。誤了落花時節。怕問江南舊樹。杜郎正瘦。損前事難說。是處人家。門掩春陰。一抹煙絲相接。平蕪極望。青驄遠。總未似玉關淒絕。甚亂紅斷岸流時。尙理鏡波蘭楫。

露華

籬豆花

柔花試夕正瘦竹支藤幽翠初積暗蝶夢酣應誤玉人攀  
摘扇羅小罥蛛絲澹暈碎煙如冪苔徑冷黃昏露螢飛近  
籬隙風前更坐茵席有老圃人歸閒話清寂淺映素蟾  
秋滿一襟瑤碧斷棚雨意疎疎絡緯自嘯涼魄眉葉底纖  
蛾慢縈秀色

河濱神

水仙王廟迎送神絃各一曲

靈雨灑宮壇芳樹叢祠故山神雅飛近碧雲還繡旌珠珮  
珊珊瑤瑟暮彈湘水曲霧綃仙媵如玉香醴暗傾蘭渚  
洞庭霜橘初熟

前調

簫鼓動歸橈。江浦晴煙路遙。錢唐東望浪花高。畫旗風捲  
寒潮。木葉斜飛煙翠滴。楚天鄉夢相憶。金井素波猶濕。  
珮環誰訪消息。

石湖仙

填詞盛於趙宋。堯章樂府。尙曰君特叔夏。亦一時之  
俊也。吾郡西郭石湖之濱。舊祠宋范順陽公議葺。芴  
屋數椽。奉堯章香火。而張吳耐焉。蓋三君皆熟游吳  
中也。銷寒席上。先以詞爲諸君倡。

吳宮霜曉。悵瑤佩留雲。吟侶曾到。湘魄暮生寒。理冰絲。孤

詞當日天頭

草當日天早

彈古調題香人去定幾度白蘋秋老長嘯有俊懷總付嘯  
鳥天涯舊盟頻杳錦衣歸門閒徑悄過眼溪山一抹荒  
煙殘照冷薦疎花夢尋香草水仙祠廟芳意好江梅昨夜  
開草

玉樓春

困頓春眠愁欲醒單衣佇立棲鴉暝小梅初放笛聲長明  
月不來花氣冷廿四番風催豔景玉樓人倦窺妝影天  
涯芳草未全青胡蝶一雙飛不定

月中行

綠簫吹散楚臺雲蘭夢倩誰溫花開還似去年春不見去

年人。尊前試檢羅衫袖。餘香在。淚墨無痕。小樓明月又黃昏。銷盡別時魂。

月華清

蟾影孤圓。風露淒寂。徘徊不寐。悵清興之闌寥也。

鉛點凝寒。冰華流素。蘭熏誰試。溫鼎一葉飄煙。天外不禁霜冷。問斷笙吹落。誰家催暗枕。冶愁都醒。人靜。但圓珠露濕。玉堦金井。記否梨花門徑。慣夜約題香。畫闌同凭。小揭眉匳。描取半規妝影。怪夢回涼減。飛蓬又脈脈。瘦窺秋鏡。幽景悵銅壺。閉曉墜。懽難整。

瑤花慢

寒柳

蒼寒斜日黯淡尖風滿平堤荒驛江潭路遠煙水外誰傷  
畫樓吹笛門前繫馬記不起冶春蹤蹟剩亂鴉點破昏黃  
錯認舊時疎碧赤闌橋畔曾經綰不住行舟分手南陌  
旗亭倚晚凝望眼一樣酒帘飄直千絲瘦影但換了章臺  
晴色莫綺閣翠袖閒時更問笑桃消息

湘江靜

寒煙

薄靄沈空山易暝颭晴紋亂霞低映閒門帶水堤荒樹古  
換年時香影笛語成樓高相思遠碧天雲靜湖唇渡口滄

波路迷知誰繫釣魚艇。散霽痕催暮景。翠尊空凍塵微。  
凝村橋望久。霜初露晚。正人歸樵徑。葉底墮昏鴉。斜陽外  
一絲風定。長亭霧歛疎疎。夢柳眠春未醒。

望江怨

無人處。月沒空牆烏鵲樹。惺忪愁獨語。淚花紅滴皺。綃聚  
自延竚。隻枕夢難雙。一燈簾外雨。

憶漢月

羅帳暮寒時節。酒綠燈紅都別。春光便道在鄰家。夢裏更  
無胡蝶。玉簫游冶處。芳草岸總成淒咽。楊花已是不勝  
愁。煙樹況聞啼鴉。

憶舊游

宋于廷詞意圖

記調鸚護煖。簇蝶嬉晴。畫舫紅橋。勾引春人夢。有蛾燈照。樹蟾鏡迎潮。酒盃注深還淺。花榭罷吹簫。甚妍綠。江城錦波天遠。輕喚歸橈。清宵最淒迥。是舞怯歌闌。粉褪金銷。濃染相思淚。任離愁如水。蘭珮誰邀。玉驄舊曾游處。雨隔翠樓高。但立盡東風。垂楊竟日香絮飄。

月下笛

曲闌人靜。坐月忘眠。對影流連。不自知綺愁深淺也。露蝶秋疎。煙蟬樹冷。漏籤初短。花明翠館。畫簾垂地。慵捲。

嬋娟澹寫蛾眉影。抵一鏡飛瓊夢遠。搵羅綃凝佇。涼痕淺。  
沁藕絲冰腕。深院吹笙伴。定擁髻眠遲。豔懷淒緩。宮階  
恨滿。葉梧還墜。歌扇華燈私語銷魂地。總未稱銀箏鈿管。  
漸縞夜欲闌時。愁盼紅牆路轉。

萬年歡

寒女機絲畫冊

簾影燈昏。正苔階露零。蛩語淒抑。錦雨飄梭。鉛點淚綃紅。  
泡小字。回文倦織。問巧樣何人。能識空凝想。月杵星機翠。  
娥天上消息。嬋娟嫁遲恨寂。向蘭閨暮寒。愁弄刀尺。壓  
綫頻年。羞翦綠鴛雙翼。闌夜無言自惜。怕負卻傾城顏色。

輪鄰女繡袂當風鏡妝濃試芳夕

湘月

秋日過畢尚書廢園水竹煙蕪荒寒特甚拈白石老  
仙念奴嬌鬲指聲賦以志慨

滿林廢綠繞西風落葉鴉點飛去曲折池塘舊夢冷更沒  
吟香人住鶴背天高鷗心路遠往事無尋處蒼寒圖畫暝  
痕一抹煙語歌舞慢問當年銀燈翠箔稱濃芳深貯萬  
種秋懷向醉裏好撥冰絃彈與寂寂疎苔荒荒殘柳更帶  
瀟瀟雨清游銷歇墜紅別寫愁句

望仙樓

茶改茶

二分流水一分塵○斷送芳妍如許○幾日嫩陰微雨○綠猗猗○  
頭樹○翠簾低捲湘紋○人在曲屏深處○燕燕未知春去對○  
影花閒語○

惜奴嬌

茶蘼架

有恨東風○做弄得鉛華淨○春妍晚○梨雲夢醒○夜月如煙○  
曲曲闌干影○人靜○醉穠香無言自領○舊約薔薇○錯過了○  
芳菲景○鞦韆倦○冰綃淚冷○翠縷勻盤○綴半翦鬢絲○整娟娟○  
卸輕蟬眠燈未肯○

西江月慢

清夢重上白詞

蘭畹剩緒

午夏城西曲讌卽席餞人浙游

梅風未歇。扶淺醉宮羅。淚溝橫笛。古城隈蘋波千里。絮花  
吹落。苦送春更送行人。柳橋煙暝。片帆初泊。最斷魂。暗雨  
連江。襟袖暮寒覺。染淡碧魚天。雲漠漠。慢倚徧山亭水  
郭。依約西園前夜。月焰玉樓斜角。乍夢醒。一杵鐘聲。簾釘  
窗眼。試歡還錯。但寂寂芳樹。夕陰圓翠幄。

西河

積陰新朗。泛舟石湖池。荷半零。園桂初馥。清歌遙作。  
水風瑟然。軫念舊游。綺懷難已。

臨翠渚。湖心畫舸來去。紅妝對客。款青尊。倦筇夜語。鏡花

幽鎖一堤煙。淒香吹墮秋句。舊時月前度樹。如今俊賞  
誰主。回波唱徹不堪聞。況歌暮雨。黛螺凝豔。想修眉飛仙  
環珮何處。柳枝送遠。慢贈與響西風涼意。先取瘦盡碧  
紋千縷。向溪陰試覓低鬟。菱女雙槳遲歸橫塘路。

綺寮怨

槐花飄砌。萬緒悲秋。調此寄子和順卿諸君。旨託宮  
闈。辭兼比興。亦風騷遺意也。

露冷衫篝。凝碧井梧。霏暮涼。悵彩篴扇錦秋凋。寒蟬咽鎖  
夢昭陽。追思星鸞素約。人無睡。繡閣燒夜香。自翠縑字蝕  
冰蠶。銅溝膩淚。葉流恨長。別院賦情未央。榆關一去。琵琶

清夢重二白詩  
琵琶泣送宮牆○碎鴈零蠶○訴愁病與商量○羅天佩瓊難到○剩  
舊曲弄霓裳○誰憐杜鵑珠喉倦○對客頻斷腸○

玲瓏四犯

寒花一叢幽瑟有態○采芳人遠娟娟可憐○

鈴語收寒○正露冷銅仙○顰翠羞斂○莫怨東風娟影瘦○窺秋  
鑑憔悴自惜妍姿○總未比漢宮春豔○伴夜深廢井荒螢霜  
錦病紅淒染○美人遲暮芳容減○綴零香素釵低顰○亭亭  
脈脈嚬妝怯○清淚凝鉛點○愁看凍蝶乍飄○荃夢短銀屏孤  
掩○曳袖羅無語○空獨倚閒亭檻○

翠樓吟

送家士美之袁浦

凍墨歆雲疎塵歆霧江城暮景難畫南樓新送別正衰柳  
冰蟾低掛雕鞍頻卸爲詠絮房櫳飛花臺榭無人夜玉尊  
羅袖翦燈深話媛麝空帶餘香恨素瑤書蝕淚殷綃帕  
顰眉凋豔粉忍重問秋娘聲價霜槐飄瓦歎鏡鳳輕分釵  
鸞遲嫁東城下翠娥今老舊懽淒謝

徵招

探梅山中作

東風略露春消息花開便如人瘦素靨笑臨波問瑤妃來  
否官橋凝望久但瓊點碎飄襟袖絲玉新妝紅羅故館月

明如舊。回首碧窗前。寒蘿罷落枝倦攀。纖手笛語暮生寒。早疎香吹透。山空無鶴守。趁殘雪。玉衫攜酒。沁微醉。紙帳遲眠。夢翠禽。噉後。

前調

程序伯畫仙樓

蘿雲一翦斜陽冷。西風自吹愁鬢。巉碧數峯秋。送霜前寒信。么絃彈怨軫。聽闌夜斷。猿淒緊。孤負江南。少年詩酒舊游金粉。芳訊故園遲。紅蠶字。題徧豔情誰問。猶有鏡中人。畫眉痕難準。荷衣歸便穩。早零落桂盟蘭隱。且消受疎雨閒燈。任夢鶻噉恨。

壺中天

平陽封宮印拓本

廢落濃纖鎖東風萬種嬋娟幽怨三十六年人不見三十  
六宮塵滿漢殿煙銷秦樓月澹寂寞成秋苑銅鋪深闕露  
盤鉛淚空泫還念魚鑰沈沈珠簾甲帳歌舞平陽館齧  
徧金蟾香氣冷鏡裏臂紅春換翠墨題瓊彤函護錦小字  
留殘篆椒輪歡罷秘辛遺譜重按

醉落魄

絮雲飄颻梅英落盡聞淒唱江亭細雨香塵漲短草平波  
催送人雙槳斷夢零歡剛半晌黃昏嫩揭紅羅帳一痕

斜月妝樓上。暝翠低煙。愁寫彎彎樣。

戀繡衾

爐熏風裊響玉鉤。送輕寒、簾外未收。悄飛去、盧家燕。訴新愁、濃似舊愁。笙囊絲繡人何杳。黯斜陽、猶戀畫樓。又春到、梨花院。掩重門、無語淚流。

春草碧

春雨匝宵花事將盡

夜來風雨聲。問亂紅、樹頭吹落多少。銅壺短深院。正愁寂、醉眠侵曉。王孫未歸。大堤路、青驄望杳。還念去時、宮袍濕、淚錦綴香草。春好。鏡闌歡夢闌。想素妝、笑淺。媛黛慵掃。

人無語掩繡戶。淒聽喚晴嬌鳥。濃陰萬重。勝情共煙叢翠。  
老陌上暮寒斜陽外。燕飛到。

霜葉飛

潘功甫舊有西湖秋柳詩。人稱爲潘秋柳。粵東李緒  
子和之。詞致淒婉。功甫詩所謂新名奪轉潘秋柳走  
報城東沈夕陽也。予詞好用夕陽。故以是爲譏。此語  
十餘年矣。李歸粵後。消息不通。潘亦閉門養寂。勝侶  
寥落。端居寡歡。悵然有感於曩情也。

絮雲吹水西泠路。湖橋詩艇曾繫。鏡奩寒碧。蘸湘波。煙冷  
宮眉細。想越客風情倦矣。香驄歸盡。重門閉。自醉趁星潮。

送夜月玲瓏去後玉箏空倚。因念片絲蘇臺藏鴉萬樹。  
綵筆題徧離思。一絲秋影寫斜陽。零落冰紈字。歎昨迹飛  
花夢裏。樽前誰訴淒涼意。算未銷江潭恨。露笛聲高。畫衫  
凝淚。

慶清朝

春陽善感。索居無慘。抒寫豔愁。亦傷心之極致矣。  
繡篋香凝。熏篝淚染。玉衫前度勻裁。纖腰帶減。楚雲吹冷。  
陽臺憐惜。祓蘭俊侶。賦歡新試鳳頭釵。妝成未。黛眉揜淺。  
圓鏡重揩。春在蔓菁廢苑。算妍紅萬種。此後休開。簾冰  
誤曉。費他鶯燕疑猜。天上舞霓夢醒。綠陰濃上舊宮槐。旗

亭路翠鬟去杳空賭詩牌

天淨沙

湖橋雨眺偶擬元人小令

閒門小樹江干酒旗茶鼎漁竿細雨斜風暮寒石湖西畔  
綠簑青笠歸船

前調

爲人題春帆細雨圖

年年惜別川塗白雲紅樹青蕪三月江南夜雨片帆歸去  
蜨前鶯後鵲初

天仙子

鷺外尖晴鳩外雨。染徧煙條千萬縷。小樓東面水西頭。人欲住。春難住。一架舞紅無覓處。晚。晚。年華飛迅羽。夢裏餘歡能幾許。三更明月五更風。春未去。人先去。草草津亭離別語。

夢橫塘

羈鶴

暮亭遲放曉市低翔。舞壇琪草香歇。朗唳秋高。正繡嶺蘭笙吹徹。珠樹霏霜。玉階流露。碧天空闊。歎雲霄萬古倦翮飄零。瓊梯路。蒼煙沒。瑤臺故侶誰呼。從樊籠閉久。羽素摧折。聞苑人歸。還附與綵函傳說。念曾伴梅花夜笛。夢冷

揚州舊時月○雪鑿橫空○幾時飛去○認羣仙宮闕○

百宜嬌

病鸚

碧簾收棋○綠窗調茗○簾捲暮寒初重○夜閣詩情○春洲賦筆○  
多少文章○鸞鳳紅銷翠隕○便占盡聰明○何用法西風○勾引  
鄉心○故山遙望秦隴○休絮語唐宮舊寵○歌舞散朝雲架  
塵低擁○冶女妍姿○才人慧業○消得金經長諷○琵琶在否○念  
往事離愁誰共○倚珠廊○背影深燈○訴麴塢夢○  
鳳皇臺上○憶吹簫○

曹介生花前憶笑圖

綺幕攔鶯錦茵圍蝶。彩雲煖熨蘭篝。正掃眉初倦。夢淺香柔。篩徧迷離花影。人一笑消盡穠愁。閒庭院。清絲脆竹。解訴綢繆。前游冶懷易減。任寫寄冰綃。粉澀紅羞。剩有情斜。焰淒戀高樓。零落歡場身世。空溯與年少。風流相思處。濃春畫圖。抵似殘秋。

燭影搖紅

麗景初緜。愁懷轉深。尋歡未能。寫以妍唱。

瀟碧垂陰。麝雲濃拂珠塵亂。玉窗羅幕晚來風。香氣隨花轉。芳豔圍燈夜煖。儘銷磨紅嬌翠婉。碎筇低語。誰訴當時。蘭修清怨。絲柳飄緜。乳鶯啼盡成荒苑。十年恩寵閉長

門顏色霜蛾換。愁撥湘絃寄遠。歎人間歡娛夢短。泛萍身  
世。飛絮光陰。銀樽休款。

江月晃重山

鏡檻寒霏玉夜。衫篝煖熨蘭晨。可憐時節可憐人。江南夢  
花月不宜春。遠道征鈴颭雨。空房寶瑟侵塵。淚香紅減  
別時痕。離巢燕猶認舊朱門。

虞美人

紅橋紫陌懽游地。嬾策斜陽騎。釀寒天氣最難過。偏向落  
花聲裏暮間歌。短亭流水長亭樹。總是銷魂處。杏梁何  
日燕飛還。等得燕飛時節已春殘。

金縷曲

過碧梧仙館悼王井叔

黯雨侵羅幌。舊詞場、香紉恨墨。事隨春往。賦徧江郎銷魂  
句。冷落鼎盟桂詠。重駐馬、斜陽門巷。草色南園青如故。問  
何人更泛漣波槳。猿鶴意、共悵悵。仙霓剩曲銖雲殿。記  
平生彈箏載酒。少年疎放。吳苑煙花隋堤月。消盡清才豔  
想。知甚處、人間天上。鑄出黃金相思淚。聽荒原夢語秋墳  
唱。湘柱促送淒響。

慶春宮

戈順卿翠薇花館填詞圖

酒社扶香詩盟圍豔冶愁款約金機鶯外偷聲蝶邊翻拍  
玉絃彈響湖雲有情花月也難抵湘皋淚痕歡場兒女未  
解悲秋何問傷春烏絲小宇回文梵譜宮榭法曲重聞  
英氣銷煙綺懷漂絮一簾風雨黃昏俊游能幾已淪落何  
哉舊人紅腔低度誰伴吹簫漁火江村

花發沁園春

漢宮仕女圖

碧瑣蘭墀翠塗椒壁妍花冶葉相對惟宮夜寂輦路秋寒  
猶有畫眉人在容華絕代偏不許香車同載舊情減影閉  
長門千金詞賦誰買一曲琵琶出塞怨魂歸依依月下

環佩風淒彩扇露冷仙盤無意澹妝濃黛昭陽姊妹常自  
占傾城儀態笑相問複道春深何時重理歡會

醜奴兒慢

窗紗夢起人隔蓬山天遠正吟斷梅黃新句倦寫羅紉熨  
帛光陰沈郎腰瘦杏衫寬纔晴還雨江南五月微有些寒  
最憶那時小憐初見迎面偷看翠屏鎖苔陰濃繡淺印  
雙鸞陌上斜陽鉏車歸盡不成歡如今空倚藤花一架澹  
碧闌干

摸魚子

題石少岳詞橐

少年場。拈歡圍笑。清才如爾。能幾冰紈靜。寫蘭修恨。付與  
絲翹雙髻。情未已。更向取江潭雪透青衫涕。愁邊夢裏。問  
誰翠飄煙。顰紅墜。兩領略。斷魂未。天涯路。尋徧桃花燕  
子。而今芳訊。誰寄沈沈院落。垂垂柳。忍憶玉關離思。游倦  
矣。慢自省。星璫月珮。留題字。金荃舊體。待鈿閣燈闌。箏樓  
酒歇。已譜夜深理。

清夢盦二白詞

小臨卽琴弄

璧月照夕羅襦當風。穠歡易闌。苔玉春改。墜香零粉。無復曩情。幽蘭自芳。微波誰託。短簫淒引。言愁始愁。長洲沈傳桂識。

憶舊游

掩關浹旬。舊雨不至。愁深夢淺。不能無懷。

又花分樹色。燕換鴉聲。如此春痕。十載清游久。怕橫塘暮雨。舊曲重聞。彩牋慢題蘭詠。喚起錦屏人。要煖玉調笙。零珠綴箔。商畧黃昏。銷魂少年事。在碧水紅堤。畫舸雕輪。

清夢重十二白詩  
負了尋芳約。便三分濃綠。吹散香塵。杏衫嫩寒猶峭。扶醉款金尊。奈盼斷妝樓。嗁鶯夢隔空閉門。

解蹀躞

夢起銀牀寒淺。瘦倚藤花枕。夜深空翦。昏釭伴愁寢。長記明月簾櫳。玉人雙笑。眠遲翠蕤香沁。最難禁。千樹交柯。瓊錦垂垂。換清蔭。畫樓還是飄燈試春飲。閒恨題向羅綃。那堪辜負。從前綺才蘭品。

剔銀燈

初夏有憶

幾樹綠香嬌萼。輕負流光如箭。事與春違。情隨夢遠。一鏡

情波深淺。東風半面。從別後。絮雲吹徧。闌角峭寒猶戀。  
離恨并刀難翦。度雨亭臺。籠煙巷陌。零落柳絲花片。尋鶯  
盼燕。憑寄與玉窗人見。

桂枝香

夜涼不寐。觸緒言愁。填此以寄所思。

疎燈照簾。漸碎滴酥花。冷痕留豔。瘦枕頻欹。還認昨宵寒  
減。鬟雲翠淺。釵聲溜。夢難尋。玉簫屏檻。繡帷閒掩。素琴恨  
滿。靚妝春澹。記裙蝶曾凝睡點。向蕙爐沈水。粉香親檢。  
燕侶歸遲。幾日瑣窗深掩。知他夜永。拈鍼管。翦冰綃。淚紅  
濃染。小樓人倦。料應鏡裏。黛蛾愁斂。

蕙蘭芳引

臥雲主人爲去姬紫瓊作憶梅圖詞以勝之

春潤小梅動芳訊凍苔重踏弄一點冰姿無語麝塵細掐  
硯螺倦埽慣睡裏雪窺簾押奈佩瓊別久向夕虛燒紅蠟  
碎月篩窗低風飄帳縞夢寒壓任蘭管飛雲吹冷玉却  
人繡榻淒香還澣鏡匣粉匣攜翠鈿誰伴曉妝勻插  
風入松

廢花零葉送華年彈怨向冰絃羅綃倦寫回文句倚新寒  
第幾樓邊雁語鳴箏月夜烏啼擲笛霜天鏡蛾濃笑試  
春妍爭忍憶從前紅鴛不煖行雲夢背深燈定怯孤眠翠

被熏篝漏永單情自裊雙煙

夜游宮

開偏穠桃露井滿斜照畫樓深迴低捲珠簾送香影澹妝  
人越羅衫偏耐冷睡起紅窗靜泥殘醉不勝春病十八  
風鬟墜難整趁新晴約游車湖上等

平湖樂

鏤金衫子退紅簾人比桃花豔玉帳春寒被香減夜情添  
坊南小路橋南店碧壺調茗綠缸斚酒行坐不須嫌  
鸚鵡曲

羅裙偷繫東風住春睡起晝永無緒指花陰悄轉回廊鎖

日無人行處。夏瓊鉤。煖顫釵雲。背倚玉闌低語。便輕分  
一霎驚鷺。儘抵得。宵來夢雨。

解語花

過南園舊游處。小桃半爰。深院無人。悵然填此  
低簾礙舞。小扇翻歌。飛雨宮衣濺。去年人面。題詩處。不許  
玉郎重見。仙源夢淺。鏡屏曉笑。妝休戀。知甚時。根葉江干  
兩槩。隨潮便。落盡繁英片片。任珠旛深護。離怨難遣。露  
叢初翦。春風恨。付與翠釵雙燕。愁香淨洗。弄煙影。倦紅都  
變。攜洞簫。吹向斜陽。看鉤車歸徧。

雙雙燕

有感近聞因拈新詠亦如元遺山賦雁邱詞也

洞魚未鎖趁城上烏棲曲環低扣文禽並命錦羽畫裙新  
繡容易釵分鏡剖更不談人間歡偶千絲萬縷柔情掛向  
長亭煙柳雙紐同心綰就有縞帶當風淚香熏透秋千  
索冷忍覓綵繩纖手花底芳魂自守肯輕化鵲紅啼瘦憑  
問夜榻青娥尙夢粉郎來否

六醜

夜窗念舊用周清真韻

歎銅壺漏短夜榻冷幽歡輕擲素盤繡詩傳牋憑鳳翼密  
問行迹記省娉游處豔歌淒舞慣討春京國金屏擁笑圍

芳澤墮珥香街飛鞍綺陌妍娥儘成憐惜自雕輪泣送蘭  
訊今隔西樓愁寂怨煙蕪綴碧楚雨瓊天遠莖夢息飄  
零易感殘客念江雲渭樹別懷難極餘花在任欹冠幘花  
縱好怎比華妝弄影翠釵橫側紅闌恨玉淚潮汐染素絹  
不洗情瀾膩何人會得

月邊嬌

蘭情多阻絮影不留託旨閨檐愁思婉至

歌扇飄秋早帳冷燈蠟蘭膏光掩鏡波低暈釵雲不煖孤  
負夜長衾釰容姿自好但笑裏妍紅春減星橋路迴悄獨  
倚苑瓜屏檻葉溝小句題香碎絨零墨賦情空豔翠盤

書香青瑤字蝕。綠素定誰憐念。冰綃細檢。任淚濕機鴛。鈴點。瓊籤漏永。更露簾風殿。

南歌子

薄霧疎燈掩。單花暗枕香。聽歌人遠笛聲長。閒卻半牀明月。正新涼。

卜算子

羅袂乍寒時。坐盡孤燈影。簾外風聲更雨聲。不向歌樓聽。舊夢未全圓。薄醉何曾醒。各自思量各自愁。兩地慙慙病。

惜分飛

不聽離聲腸已斷。何況青驄去遠。人立梧桐院。滿身涼露。  
秋宵半。訴徧哀螢清漏短。夢裏羅綃淚展。悶剔昏釭看。  
無言一任風吹幔。

琴調相思引

秋夜泛月

水面涼生浸碧華。一奩秋鏡畫船遮。酒香人語驚起睡樓。  
鴉。楊柳已非前度樹。芙蓉猶有未開花。玉笙吹夢今夜。  
落誰家。

浪淘沙

馬湘蘭蘭花小幀

金粉染冰絳。露葉煙苗。白門春色不堪描。一翦國香無恨。  
恨風月清宵。舊院夢全銷。碎錦塵飄。翠娥遺蹟話前朝。  
尋徧丁簾人不見。石魄誰招。

法曲獻仙音

題女士李紉蘭生香館遺集

珠字蓉篇。玉題蘭詠。細檢明璫緘恨。錦雨春寒。墨雲秋澹。  
妝臺翠銷香褪。想夜永挑燈倦。烏絲硯螺潤。綵毫吮怨。  
瓊修上清淪。謫仙路。留得采鸞韻本。慧業證曇華。繡盤  
空詩夢誰訊。斷曲哀蟬。付湘絃。彈淚紅溫。悵釵叢妍婉。尙  
自弄鉛調粉。

一枝春

梅花便面贈人

一面東風記相逢。月底吹簫人靜。瓊姿妬雪，綺袂隔花斜映。銀燭醉擁怪香夢，翠靨啼醒。愁向曉橫笛南樓小。別玉鬢雲影。瑤窗袖綃溫。所自梅嬌去後，采芳誰贈。塗黃笑淺。慢憶黛匳仙賸。江春不老。定留伴露桃開井。題舊恨蘭佩盟詩素妝淚冷。

漠魚子

繡簾垂翠樓眠寂。枇杷門巷重到。唐梯暗躡牙牀近。肯把鳳衾閒了。情最好。尙記西分瓜碧玉。回身抱金蟬帳小。便

卓女爐頭。崔嵬畫裏。誰與並娟妙。柔鄉賦。無奈錦荷易  
曉。曉鶯花外。聲聞甜香一枕人雙夢。贏得鏡邊微笑。歡意  
繞。問後約。看燈已過。滿裙早。芳時恨少。趁鬢角。似鬆裙腰。  
帶減。莫待亂紅掃。

減字木蘭花

吳聲子夜。舊有冬歌。以小詞代之。

玉梅三九。有約花前同勸酒。學得新歌。不試琵琶淚已多。  
口脂阿媛。可惜楚臺春信遠。嬾剔銀釭。繡被香寒月滿  
窗。

清平樂

淚花顰葉。又入東風節。紅袖一樓人惜別。簾外舞英如雪。  
畫屏銀燭燒殘。春情飛上角聲。正是銷魂時候。酒邊莫  
唱陽關。

祝英臺近

罷搗箏。停刺繡。低語理裙纔。小坐閒眠。春困不勝酒。無情  
最是飛花。有情明月。都不管鏡中人瘦。忍孤負。玉茵羅  
薦黃昏。遲褪燭邊釵。膽怯空房。長定夜深守。一簾絲雨疎  
燈翦風殘漏。拚悶過海棠開後。

三株媚

過湘雨樓。文卿已他適。女史畹芬新居於此。卽事有

作

梁泥空舊壘。燕飛來風簾。舞紅香墜。洞戶油窗。記唾裙題  
扇。慣扶殘醉。摘徧櫻桃。看一樹斜陽濃翠。問蝶尋鶯。歸去  
還休。豔叢凝淚。且自吹花拈藥。又喚出。箏人畫羅衣袂。  
說與清愁。算玉去塵如夢。半隨流水。小閣開樽。憐別樣濃  
妝妍媚。莫更忽忽輕負。餘寒繡被。

解連環

題陳小雲湘煙小錄

帳紗秋寂。弔青谿。舊夢倩魂煙隔。記露涼小榭。明燈正人  
語深宵。曲去闌橫笛。細約釵盟趁。良會載歸油碧。怪衫羅

清夢集二  
化蝶扇錦飄螢。豔影難覓。空闌暮寒恨積。惹檀奴瘦損。  
腸斷芳夕。指絳河同證。雙修定。香國司花。淚鉛休滴。翠管  
題瓊。又愁滿湘天瑤瑟。忍重尋。渡頭畫桹。盼消問息。

荷葉杯

喚起夢情花外。相對閒坐。理瑤箏。雙蛾重掃。麝煤輕。無語  
眼波橫。錦帳玉屏燈影。人靜。粉面任郎看。推簾斜倚月  
闌干。衣薄不禁寒。

歸國謠

秋一幅。澹月流銀雲散。數葉梧涼。颭釵頭玉。隔牆誰弄  
山香曲。人影獨。笛聲纔斷。砧聲續。

玉樓春

碧羅如水涼侵簾。殘燭欲銷窗半掩。小樓昨夜一簾風。吹落桂黃千萬點。霜華不比春時豔。別後玉姿容易減。待眠愁枕夢難成。欲寄淚綃詩又欠。

醉太平

明人金閨曉月畫扇

垂楊畫樓香溫翠柔。碧華涼浸衣篝。趁飛瓊夢游。將秋未秋。彎彎半鉤。夜烏啼向城頭。照梧宮舊愁。

元令

冬日偕曹良夫城南小集

冷卻松盟過菊序。歲華催羽。風雪寒如許。正炙硯烘爐悶。  
賦朝雲句。餘興相約攜尊。斜控花驄去。向曲闌延佇。漠  
漠淒香霏霧雨。玉人金縷。幽抑青琴語。問放鶴騎驢踏徧。  
梅千樹。何似緩閣重簾。先占春來處。有月明留住。

調笑令

遶夜彈棋罷。題了絳囊題素帕。囊香繫住羅裙袂。帕裏相  
思無價。離情忽動高樓下。又趁月涼歸也。

生查子

斜日小樓西。淺露梨花面。簷下軟金鉤。隔斷穿簾燕。春  
草玉鞭香。遠赴櫻桃謫。萬一踏青來。陌上重相見。

前調

送客畫堂前。滿酌流霞盞。難遣別時情。妝罷登樓嬾。無  
計制春愁。花月銷磨慣。不是不歸來。祇惜歸來晚。

氏州第一

過舊曲有弔

花裏重門芳訊頓杳。斜陽吊影淒楚。倦柳纖腰。香桃瘦骨。  
埋玉深深綺土。樓閣春寒。早鎖斷蘭魂歸路。暗網蛛懸。疎  
簾燕寂。砌英空舞。舊約高唐迷處所。忍重聽喚茶鸚鵡。  
碧夢飄煙。紅情化水。問豔愁誰訴。向回欄凝盼久。相思遠。  
瑤天欲暮。悄掩窗紗。怕鄰牆吹笙月午。

春雲怨

客中寄憶翠芙仙館

冰肌一握○記隔年相見○猩紅簾幙○絮語玉梅花下○絳雪襲  
衣寒不覺○鴨鼎添香○蟬燈收暝○肯負行雲鏡邊約○豆蔻宵  
情○靡蕪春影○夢醒帳綃拓○彎蛾夜淺○鉤闌角○又無端小  
別○飛帆江閣○珠字蘭牋○燕翎託○惱煞垂楊○不放東風伴人  
斟酌○急整歸鞭○杏簫聲裏○笑指翠深院落○

望海潮

泊舟龍潭紀遇

山鵲曉罷○春寒無賴○呼船近泊江亭○風笛乍收○星帆暗落○

桃根畫楫來迎。相見不勝情。倚露涼屏簾。含睇盈盈。莫訴閒愁。淚香先染。做衫青。釵鸞鈿鴈前。盤慣紅橋。載酒碧館。阿笙行雨。夢闌飛花路遠。歌筵忽變。離聲容易。誤傾城。看玉樓金屋。煙月飄零。依舊天涯。臉潮重向酒邊生。

蘇幕遮

送家芷橋之淮安。卽題其惜別詞後。

淚千絲。情萬縷。樓上輕寒。樓下離人語。驄馬驕嘶留不住。相見何時。相憶知何處。擘愁牋。題恨句。別夢如煙。歡夢隨潮去。昨夜星辰今夜雨。春色江南。秋色淮南樹。

步蟾宮

非關病酒非關悶問底事柳嬌蓮困畫長還是睡膏騰恰  
添了玉兒風韻金猊鎖鬢餘香燼更慵去整衣攏鬢夕  
陽紅近水西樓悄窺見一痕睂暈

瑞池燕

愁紅吹雨春無主處處錦鞍雕轡相遇當壚女瓊漿玉醕  
留人住向幽廊晴檻歎聚眼波注團茶淪了重煮忌歸  
去斜陽一樹黃鸝語

洞仙歌

清微道人畫蘭屏

銀筠翠影稱纖莢舒卷玉篆苔華寫東絹青泥留半偈研

蕩瀟螺消夙慧長與芙蓉爲伴國香移舊種楚水湘煙  
葉葉秋心寄瑤怨花散曼陀雲羽帔薰脩總無奈碧城天  
遠翦短幅珠幢繡新詩莫柳岸春柔客舟重綯

女冠子

秋水閣贈妙雯

怨茗飄紫雨瓊吹墮煙際華年情思好憑青鳥說向瑤宮  
蘭姨瓊姊相逢如有意又早漢皋春暮送郎花裏湖前游  
仙海夢隔誰訪玉京鄰里

明卡玉京故居在其鄰側

銖衣涼薄秋如

洗對蓮龕燈影繡出鴛鴦字銅魚靜閉也不分去喚作露  
牆桃李絲闌題扇尾怕有藕洲詞句被人偷記

吳夢窗有題藕花洲

清夢金十二言

詞尾

向廣寒樓闌步虛聲遠玉梯高倚

三

沁園春

阿芙蓉見本草不傳吞餌之法近自海西闌入沃煎  
熏吸窮巧極妍人嗜家藏殆成痼癖戲拈此解寫之  
海國泥香載上婆蘭兼金價賒看腥皮翠剝圓搓軟玉穠  
膏紫潤細碾靈砂爐鴨煎灰勺龍度水冷熱分明試不差  
銀絲滑有磁壺細榼滿貯流霞曲屏油幕深遮襯一枕  
紅縑繡榻斜倩柔荑勻捻瓊脂蘸馥沈檀低燕珠液噴華  
欄斗潛通缸燈細剔合喚西天稱意花微醺後慣閒眠小  
坐闌夜銷他

迴當是迴

琵琶仙

卽事有贈

春欲闌時。忍拋得、夜約顰燈華屋。殘醉微要人扶。迴身畫  
屏曲。寒乍減、羅幃半捲。早潛墮枕函釵玉。細語蘭吹柔姿。  
柳怯芳豔濃簇。正眠醒渦靨含顰。有花氣侵肌沁餘馥。  
還趁月斜樓上。把零歡重續。連漏短。窗冰送曉。理鏡妝澹。  
寫睂緣。記取蜂蝶閒情。露桃開足。

垂楊

贈歌者吳郎

宮鶯喚夢有。柘枝剝舞。楊枝新寵。似霧非花。甚時移傍河

清夢。畫土白詞。

小臨卽琴弄

三

陽種六街燈暗銀蟾涌。又門外鞭香催動。向歌筵彈破瑤  
箏。抵渭城三弄。猶記蓮潮醉捧。慣斜鞦翠鬟。幕綃低控。  
玉袖雲衣。看場人散珠塵擁。麝薰濃貯金絲籠。怎忘得今  
宵情重。樽前莫訴相思。心自懂。

百字令

翠陰如繡。又陌頭春晚。冶香吹霧。芳草連天青不斷。中有  
玉驄來路。別院花飛。空簾燕寂。立盡斜陽暮。山螺濃染。鏡  
邊誰寫眉嫵。長念絲柳津亭。明燈畫舫。細碎淩波步。一  
自笑桃人去遠。閒卻湖樓簫鼓。蝶夢煙飄。鵲心雨咽。忍撥  
淒絃訴。華年流水。墜歡何計重補。

前詞

山塘舟中夜飲

絲楊天半被東風勾起春纖無力一舸闌紅攜豔賞消受  
釵叢憐惜杏子單衫桃花小扇香盪鬟雲濕垂燈簾幙舞  
塵飛繞蘭席堤上游女歸遲濃歡零笑打槳催遙夕煙  
月有情都化水獨倚船脣吹笛玉帳低偎銀屏背語夢醒  
高樓隔明璫緘札漢皋人遠空憶

雙燕兒

戲拈疊字寄意

憐憐憶憶心心歡淺淺恨深深卿卿去去消消息息寂寂

沈沈鶯鶯燕雙雙在。尚依依。覓覓尋尋。花葉葉朝朝暮暮。雨雨陰陰。

杏花天影

復園有見

笛雲箏雨藏嬌地。悄飛徧尋香鳳子。一重樓閣一重花。畫裏佩瓊聲聽去也未。春光麗。春人更麗。豔情滿顰紅恨。紫半鈎羅襪。玉生塵。倦起背東風。坐樹底。

鞋紅

薄時纔試零香已盡。慢數徧紅盟翠訊。玉樓昨夜月斜風緊。又獨自衫羅半褪。小句緘愁。么弦傳恨。忍撇下相思。

一寸綠簫隔院賦情偏準也莫怪新來瘦損

臨江仙

月子彎彎風力微簾絲斜裊湘煙熟梅時節摘櫻天春痕  
尋蝶外夢語寄鶯邊萼綠華來無定所隔樓重見飛仙  
似顰疑恨寫眉牋淚香千萬點彈上玉琴絃

夢芙蓉

瑤卿校書來從滬濱小住吳閨夜月初三春花第一  
靚歡綺語眞令人欲喚奈何也

秋江雙畫桹趁蘭潮緩送扣舷月上霧樓吹簫天半海煙  
颺粉圍移繡障花叢紅豔都讓舊曲吳官勝蟬紗浣臂親

到越溪訪曲折開門小巷病怯妝遲倦寫鸞蛾樣玉鸞  
笙語微度隔簾響冶魂容易蕩千絲誰結情網有約重逢  
且尋聲抱影飛夢繫瑤想

一萼紅

同趙艮夫李式齋買朱四娘船憩白公祠小酌暝波  
流媚華燈照歡花月春江亦銷愁之俊舉矣

柳垂垂浸柔漪小影吹綠上宮眉彈淚衫邊攜詩袖底仙  
吏曾住蓬萊迴前事風流頓杳甚俊侶猶戀舊亭臺珠絡  
銀燈玉簪金縷斜日徘徊人倚水簾明處有單情翠顫  
雙笑紅窺晴樹鶯初夕茵鵲後香夢還被花猜問誰坐等

樓喚酒○弄煙語○齊放畫船○迴等向春城○夜闌○載月遲歸○

雨中花

爲小蔡題秋海棠畫扇

腸斷繡苔涼夜雨○伴怨咽蟲娘○淒語○瘦影飄煙○嫩香霏雪○  
開向寂無人處○貯恨含情○愁幾許○似薄命桃花○倩女○冰  
淚輸紅○玉妝嫌素○誰抱秋心○憐取○

春光好

茶夢熟○酒情撩○最魂銷○拚得千金償○一刻是今宵○煙香  
染上羅綃○卻滿鏡明妝翠翹○不管隔樓鄰女妬○坐吹簫○

霏玉集序

吹竹彈絲

京鐘雨  
中花

新愁黯黯

周紫芝  
朝中措

籌花門草

張炎  
臺遠

恨綿綿

柳永  
門

顧曲多情

毛翊  
踏莎行

偶成拋擲

王沂孫  
望梅

較晚

王沂孫  
游

總是飄零

王沂孫  
吳文英

立盡西風

曹組  
羅門引

浦萬俟

碧言

趁嬌塵

輕霧  
鶯囀

序當時

宋玉應  
同梅花

問對酒當歌

李甲  
八寶妝

好是盧郎未老

蔡伸  
庭芳

滿還記元宵燈

火呂渭老

祝

閒裏清明

蔣捷  
高陽臺

紅杏開時

馮延巳  
蝶戀花

謝賀鑄

清

綠楊朱戶

曹組  
山溪

紫陌青門

張泌  
酒子

史達祖

呵筆慵

題詩句

周密  
臺城路

鈿車似水

周邦彥  
垂絲釣

上吟鞭

陳允平  
百字令

幾處離闌

晏幾道  
採桑子

十年華屋

無名氏  
後庭宴

金鳳

謝絳夜行船

定教殘夢依依

和凝子滿子

鈿合瑤釵

張先碧牡丹

難

託春心脈脈

沈公述念奴嬌

記取崔徽模樣

史達祖三姝媚

弄玉輕盈

鄭覺

齊揚

翡翠屏開

賀鑄薄倖

倦尋歌扇

呂渭老選冠子

琅玕簾冷

呂渭老木蘭花

覺

慢自檢羅囊

呂渭老玉人引

夢

梧桐玉露

李平樂

新秋

晏殊

燕語鶯啼

日暮

王建調笑

共歌新闕

王沂孫

獨上高樓

晏殊

花

羅襦繡袂

憑

香紅

蘇軾相見歡

最憐西子

魚兒

冶葉倡條

情緒

晏殊

道

憑

仗桃根

周邦彥點絳脣

一笑難逢

晏幾道

後回相見

蔡伸

洞

瑤臺

憑

有路

晏殊

萬水千山

宋徽宗

芳草無情

范仲淹

亂英飛

豈期

蜨

絮

李元膺

花憔悴

洪璚

雨恨雲愁

王禹偁

舞袖空懸

豈期

蜨

陳允平

猶憶玉嬌香

高觀國

彩牋不寄

洪璚

豈期

蜨

豈期

蜨

豈期

散鱗分

李漳多麗

人生能幾相逢

周景水龍吟

風臺月樹

元好問後鵲橋仙

會不知何日

蜀中妓市橋柳

天上人間

李後主浪淘沙

尙憶去年崔護

洪璚

永遇樂

前度劉郎

吳文英惜紅衣

柳外停橈

張翥木蘭花慢

花邊載酒

韓元吉薄

寫得魚牋無限

和凝子滿子

曾攜翠袖同來

晏幾道清平樂

紅豆都

銷三

王沂孫姝媚

此去何時見也

秦觀滿庭芳

碧雲欲暮

程垓南浦

舊游可

柰春何

史達祖臨江仙

爲喚狂吟老監

周密一夢紅

消瘦休文

趙鼎點絳脣

冷落新詩

李邴宮春

自修花譜

姜夔側犯

空江歲晚

周密三姝媚

蕙帶

餘香

張炎聲聲慢

茂苑人歸

吳文英齊天樂

秋燈吟雨

吳文英十二郎

離恨恰

如春草

李後主清平樂

斜陽卻照闌干

晏殊清平樂

醉墨題香

周密長亭怨慢

冰絃寫怨

周密花犯

吟牋賦筆

周邦彥瑞龍吟

且共從容

歐陽修浪淘沙

刻刻

流商

馮取洽  
摸魚兒

儘堪愁寂

晏幾道  
六么令

可惜年華婉婉

歐陽修  
摸魚兒秦

事闌珊

王建  
調笑

臨穎美人

彭元遜  
子夜歌

歌棹喚玉

張炎  
城路臺

江州司

馬

宋裴穆  
護砂

銀字吹笙

毛滂  
皇恩

酒戀哥述

黃庭堅  
奴兒令醜

朝吟夜

怨蘇軾醉翁操

誰作桓伊三弄

蘇軾  
君怨昭

有何人念我無聊

周邦  
彥尉

遲還似王粲登樓

周密  
夢紅一

想前歡總成陳迹

曹組  
少年憶

道光

癸未春二月吳縣吳嘉淦序

自序

象華鸞箋

姜夔獻仙音

花前覓句

周密水龍吟

鶯期燕約

應法孫覿笑

裏移春

張炎齊天樂

立馬東風

邵亨貞齊天樂

聯鑣西陌

曾允元月下笛

銷磨

豔冶

張炎憶舊游

催促年光

廖世美燭影搖紅

冷篆餘香

程垓玉漏遲

苟令

如今頓老

王沂孫天香

微吟緩酌

張炎齊天樂

庾郎從此愁多

陳允平

春猶記夢入瑤臺

周密珠簾

塵侵錦瑟

周密解語花

鳳雲百和

周密

香鴛枕雙欹

趙雍蜀影搖紅

綠楊影裏

俞風入松

綃衣半脫

唐

水龍吟

燕子樓中歌吹

蔡伸水調歌頭

檀板輕敲

秦觀雙戀花

水國吹簫

吟

張炎齊天樂

露橋聞笛

周邦彥臨窗卜鏡

周密探春

淺暈脩蛾

高觀

遇

樂借柳維船

張炎聲

旋移輕鷁

吳文英聲

黃金買笑

毛翊行

自序

紫曲藏嬌

詹正三

樂事何窮

沈瀛百

芳心慢語

周密齊

何

處紅亭翠館

張翥摸

有華燈礙月飛蓋妨花

秦游望

去年

紫陌青門

劉弁清

正香雪隨波淺煙迷岫

周密探

長恨離

多會少

姜夔探春

別久逢稀

王沂孫

此生未卜他生

趙可望

明

日遠如今日

趙彥端

垂垂玉筍

洪璚踏

短短霞杯

呂渭老

失意含羞

邱密洞

荳蔻梢頭恨裏

吳文英

傷心對景

翁孟

芙蓉老去妝殘

張翥水

各自思量

史達祖

多應瘦損

龍吟飄梭院宇

周密水

刻印闌干

沈景高

衾鳳猶溫

張先

行鬢蟬不整

洪邁路

吟窗易曉

周端臣

匆匆粉澀紅羞

蔣捷

高陽

小舫重來

李演聲

漠漠水遙煙迴

趙以夫

錦書欲寄

臺

聲慢

聲

漠漠水遙煙迴

趙以夫

錦書欲寄

聲慢

石孝友

金屋難成

陳以莊水龍吟

山色誰題

吳文英高陽臺

野光如洗

點絳脣

一庭芳景

王沂孫水龍吟

消幾番花落花開

周密瑤花

千里故鄉

游花

無名氏但暗憶江南江北

姜夔疎影

誰念文園病客

張野奔白後庭宴

石飛仙

王沂孫踏莎行

草閣三開

凌雲翰

陽關一闋

張野奔

年來

歲去

李珣梧桐擊

雨短煙長

毛滂子

帶減衣寬

黃機百字令

香畱酒

殢窗寒

張炎瑣

閒情似綫

王月山

晴暉

稱拂吟箋

吳文英

清淚

如鉛

范曄文

彩筆倦題

史達祖

一枝芳鈿

王易簡

蘭成

往事

周密

綵袖烏絲

王沂孫

離腸宛轉

元好問

蘭成

久旅

陸游朝

子野聞歌

羅椅柳

九辨難招

周密

四愁休賦

張炎百

愛酒能詩之社

史達祖

已覺蕭疎

王沂孫

登高望

字令

賀新郎

已覺蕭疎

齊天樂

登高望

遠之辰

杜安世

相看冷淡

趙以夫

試與細評新譜

周密

暗想前歡

方千里

玉漏春遲

王庭珪

幽思屢隨芳草

史達

江金蓮影散

杜旗百

斷腸難託

陳允平

點點行行

道捷

花艷懷清苦

邵亨貞

聲聲字字

張翥

幽韻淒涼

趙水

龍吟翦雪裁冰

樓槃霜

移宮換羽

程鉅夫

回文未就

曾允元

小句初成

何繼高

舊曲重聞

蘇軾

淒音忍聽

丁宥

攀

條弄蕊

盧祖皋

可憐千點吳霜

吳文英

頌菊騷蘭

周密

醉

不值一盃秋露

黃昇

拾翠處閒隨流水

晏幾道

臨分敗

壁題詩

吳文英

斷橋人空倚斜陽

陳允平

對坐旗亭說夢

張先西

長洲沈傳桂集句

清夢齋二白詞

霏玉集

清平樂

瑣窗朱戶

賀鑄青玉案

燕子雙雙語

周紫芝

誰把鈿箏移玉柱

馮延巳

人在洞房淡處

謝逸如夢令

起來慵自梳頭

李清照憶吹簫

無言獨上西樓

李後主

時見亂紅飛墜

韓玉賀新郎

煙花三月

春愁

鄭覺齋揚州慢

臨江仙

小雨纖纖風細細

朱服漁家傲

幽階一夜苔生

吳文英風入松

西樓依

舊抱重城

呂渭老江城子

幾年花下醉

韋莊歸國謠

相憶夢難成

溫庭筠菩薩

薩 河畔青蕪堤上柳馮延巳枝枝葉葉離情晏幾道吹  
簫門巷冷無聲李萊老粉香和淚泣牛嶠望殘月下簾旌  
皇甫松  
夢江南

### 臺城路

#### 寄朱西生山陰

相思一夜蘋花老

王沂孫

離聲送君南浦

賀鑄

小徑吹

衣

史達祖

殘沙擁沫

馮應瑞

酒醒不知何處

彭元遜

書空

獨語

陸游

正宿雨初收

馬莊文

數峯清苦

姜夔

雲鎖

吳山

邵亭貞

暮帆零亂向何許

姜夔

餘寒猶掩翠戶

周密

解

想文君望久

姜夔

惟有高樹

王沂孫

路轉溪斜

吳

浪淘屏搖夢冷李萊老盡是愁邊新句高觀國傷春倦旅

陳允平摸魚子向柳外停撓張翥木浩歌歸去馮去非綠暗長亭

吳文英祝英臺落花空細數張槃綺

### 憶舊游

雲陰弄寒冷夢孤醒去年此日方置酒枇杷花下聽

### 翠鳥雙嘯也

一簾風雨裏李萊老幾度飛花王沂孫幾度黃昏楊快視

渺渺嘯雅了蔣捷賀但荒煙衰草蔭都刺冷落閒門高觀

年游寶階低擁雲葉張雨東風喚起澹妝人姜夔獻記翠幙

張燈史達祖瓊蓮倚蓋錢抱素立向臨分蕭列八眞眞

清夢盡二白詞霏玉集

楊樵雲 歛蛾黛 拜彭泰翁 更何處相逢 李珣 木蘭花 慢 第四橋 春椅

柳梢 怕有題紅句 陳允平 掩沈香繡戶 吳文英 無 限 曉 痕

青幾道 舊家樂事誰省 姜夔 羅帳罷爐薰 溫庭筠 柰好夢

兩同心 微茫 邵亨 山逢水遠空斷魂 蔡伸 飛雪 滿羣山

### 洞仙歌

夕陽巷陌 張炎 齊趁嬌塵 輭霧 吳文英 曾記經行舊時路

張炎 月問經年底事 姜夔 解鶯燕迢迢 孫惟信 花信緊 馬

下笛 昂父 最到了愁風怨雨 王沂孫 煎燈淡夜語 史達祖 翠

高樓 玉樓前 黃孝邁 湘幾點疎星映朱戶 吳文英 荔春去未多

時 李彭老 紅綺陌東頭 邵亨貞 早綠徧江南 千樹 杜旗 蕩怪

一 夢 紅綺陌東頭 齊天樂 早綠徧江南 千樹 杜旗 蕩怪

一夢輕回

劉綱臺城路

錦鴛開

周密鷓鴣天

又爭似相攜

姜夔湘月

酒鑿

花譜

王易簡齊天樂

漁家傲

淡閉重門聽夜雨

史達祖王樓春

商聲暗起鄰牆樹

鄧亨貞摸魚子

人宿

溪橋知那處

趙與仁清平樂

秋娘渡

蔣捷行香子

夢魂欲度蒼茫去

周密

高陽

弱柳繫船都不住

楊炎雙戀花

西風送客聞砧杵

謝懋石州

慢

重唱江南腸斷句

吳潛西江月

添愁緒

葛勝仲點絳脣

樓頭水閣山

無數

韓元吉薄倖

減蘭

綠陰門掩

王沂孫長亭怨

池上碧苔三四點

晏殊破陣子

曲曲屏山

姜夔

齊天

獨倚西樓第幾欄

周密鵲

輕寒簾影

王沂孫宿粉

殘香隨夢冷

楊侯儉

舞榭歌臺

辛棄疾

一樣東風兩樣吹

吳元可

菩薩蠻

寒夜

蔡牀香篆橫輕霧

葛勝仲

閉門日日聽風雨

邵亨貞

風雨

五更頭

司馬昂父

離人心上秋

吳文英

砌蟲終夜語

李

老齊

總是銷魂處

吳潛青

孤影小窗燈

陳克臨

蕭蕭敗葉

天樂

李

聲

南

歌子

探春慢

寄曹良甫三河

永驛燈昏

姜夔解連環

山城歲晚

張炎齊天樂

家家擁門黃葉

王沂孫齊

天落日呼鷗

李珣木蘭花慢

垂楊駐馬

吳文英高陽臺

客思吟商還怯

周密

秋玉京

鴈背南雲去

蔡伸點絳脣

想歷徧關河風雪

邵亨貞賀新郎

淒涼

一片秋聲

蔣捷聲慢

棹歌人語鳴咽

周密慶宮春

此恨與誰同

說黃子行

慢賦得招魂

張翥摸魚子

惟是輕別

周邦彥浪淘沙慢

錦字

機寒行船

許棐夜

銀屏夢覺

陳允平垂楊

樓上玉笙吹徹

倪瓚柳梢青

故

國吳宮遠

溫庭均菩薩蠻

忍重看瑣香金篴

尹煥覓

千里飄零刻

浪淘沙

定應愁沁花骨

史達祖萬年歡

水調歌頭

送孫子和之揚州

花影暗南浦

高觀國祝英臺雙槳去悠悠

查堃透碧霄遙看數點帆小

周邦彥氏

人道似揚州

王惲平湖樂

三十六磯重到

吳文英惜紅衣李

十四橋仍在

姜夔揚州慢

蘭芷滿汀洲

賀鑄皇恩

香徑渺嗁鴉宋高琳

六么一段夕陽愁

晁補之臨江仙

虛閣上

溫庭筠更漏子

明鏡裏

宋高宗漁

父大江流

朱敦儒相見歡

彈箏舊家伴侶

吳元可憶吹簫

楊柳古灣頭張炎

音獻仙飛絮落花時節

張泌江神子

冶葉倡條情緒

晏幾道清平樂何事

苦淹畱

柳永

成瘦又成病

李天驥摸魚子

歸夢繞秦樓

王雱眼兒嬌

蜨戀花

一寸柔情千萬縷

王易簡念奴嬌

絮影蘋香

周密點絳脣

不道春如許

高觀國燕子不來天欲暮程垓詞落花門巷家家雨詞

天下算子晚晚琵琶思怨語劉過賀月約星期吳文英寂寞閒

庭戶毛熙震擬欲題詩都付與滕賓木泥金小字回文句

王安千玉樓春

### 如夢令

正是銷魂時節毛熙震蟬鬢美人愁絕溫庭筠獨自暮凭

闌李煜浪手撚玉梅低說晁沖之傳離別離別韋應物花

外子規啼月毛文錫更漏子

### 風入松

野花平碧怨啼鵲耶律楚材春信倩誰傳呂渭老赤欄橋

清夢蠶工白詞

霏玉集

五

畔斜陽外

陳允平齊天樂

傍新晴隔柳呼船

張炎瑣窗寒

聽絕殘簫倦

笛

李彭老木蘭花

閒情分付魚牋

劉鎮漢宮春

斷雲飛雨又經年

周紫

芝江神子

芳樹欲生煙

楊澤民滿庭芳

天涯極望王孫草

周密水龍吟

趁東

風急整歸鞭

王沂孫高陽臺

寒食清明相近

盧祖皋西江月

鉤簾淺醉閒

眠

陸游烏夜啼

惜餘春慢

絲柳始碧放舟山塘水邊畫樓曾醉薊澤今燕巢空

矣夕陰如夢惘然於懷

急雨收春

賀鑄踏莎行

低蓬護冷

王億之高陽臺

節物又催寒食

盧炳謁金門

門尋尋覓覓

李易安聲聲慢

點點疎疎

趙汝堯漢宮春

輕把杏鈿狼藉

密

解語

長記那裏西樓呂渭老隔水懸燈張炎倚欄橫笛

黃子行

秦年華漸晚高視國青驄歸去劉鎮水十分孤寂

西江月

迎醉面暮雪飛花吳文英游絲度柳陳允平誰

江紅

顧采香仙客陶宗儀平波卷絮張炎高蘄浦沈雲史達祖

祇共釣竿相識

朱敦儒無復商量管絃王建轉翠箔涼多

蕭東父

玉徽塵積張野奔問那人在否周邦彥唯有池塘

齊天樂

自碧姜夔淡黃柳

訴衷情

長夜

馮延巳歡罷孫光憲春去也劉禹錫太匆匆李後主

雲髻墜

韋莊思憔悴馮延巳月明中張泌酒花落更情濃

帝鄉

南鄉子

玉集

集

吳文英  
江南好  
愁紅河傳

畫屏山幾重

牛嶠  
菩薩蠻

思無窮

溫庭筠  
更漏子

蘇幕遮

翠簾垂

歐陽炯  
三字令

香閣掩

顧夐  
訴衷情

颺盡東風

何可  
蝶戀花

絳雪飛

千片

李廷忠  
生查子

十二闌干閒倚徧

朱淑真  
謁金門

霧溼雲

鬢會允元  
齊天樂

雨溼梨花面

王特起  
喜遷鶯

歛愁眉

牛嶠  
思多

摩淚眼

吳文英  
玉漏遲

出犀帷

史達祖  
三株媚

拂曉停鍼綫

寇準  
終點

爲是玉郎長不見

魏承

班玉

樓春  
鬢怯瓊梳

周邦彥  
過秦樓

瘦覺妝痕淺

元好問  
清平樂

玉漏遲

代人題津橋憶舊圖卷

玉纖彈舊怨

辛棄疾  
東坡引

單衣竚立

周邦彥  
瑣窗寒

小防幽院

吳文英  
絳都春

拂面東風

吳瑋柳梢青

困倚畫屏嬌軟

趙師使

長記曾攜酒處

姜夔

繫彩舫龍船遙岸

柳永破陣樂

還送遠

周密寄聲慢

楚香羅袖

史達祖

向誰舒展

吳文英

愁雲恨雨難忘

柳永臨江仙

誤幾

度悲闌

王沂孫

玉繩低轉

洪瑱月華清

血寫湘牋

晁補之

一看

一回腸斷

張翥陌上花

寂莫朝朝暮暮

毛滂惜分飛

但託意焦琴紉

扇

劉過賀新郎

簾半捲

張翥摸魚子

無言淚珠零亂

何籀真清都

聲聲慢

客處殊鄉景物淒冷歡沈夢杳言愁黯然

情隨佩冷

高觀國

夢似花飛

蔡松年

更無人爲吹簫

張翥

風入

松水曲飄香

呂渭老

月明獨上溪橋

孫光憲

舊游不堪回

首周平先木蘭慢盡孤城落木蕭蕭彭元遜珠淚滴皇甫松試臨

鸞一展鄧亨貞沁園春向染鮫綃吳文英脈脈朱欄靜倚柳永

情近悵江南望遠周密水紅豆都消王沂孫座上琴心周邦

一州第新愁未肯相饒高觀國離人鬢華將換晏幾道送春

歸客尙蓬飄蔣捷行煙漠漠李珣南被東風吹上柳梢陳

平戀

### 荷葉杯

蟬鬢玉釵搖動牛嶠西如夢後唐莊宗夢難成毛文錫絮

花舞倦帶嬌眼王從叔相盼張先卜兩牽情顧復浣

### 醉垂鞭

花影動簾櫳

趙與仁西江月

凭妝閣

薛昭蘊相見歡

吹羅幕

後唐莊宗

羅

幕畫堂空

韋莊荷葉杯

舊歡如夢中

溫庭筠更漏子

夢隨春去遠

周密

臺城路

音塵斷

吳文英點絳脣

小樓東

趙雍攤破浣溪沙

無語倚屏風

李珣西溪

子淚痕衣上重

顧貞河傳

### 定風波

#### 曼雲閣卽事有贈

醉膏騰多少思量

張炎唐多令

回文錦字暗翦

晏幾道清商怨

步幄塵

高

陳允平百字令

拋梭架冷

陳允平永遇樂

淚滿參差鴈

呂渭老薄倖

惹相思

歐陽炯三字令

喜相見

張泌生查子

依舊當時似花面

楊无咎瑞雲濃

凝盼

月華清

澹春姿雪態

吳文英瑞鶴仙

倦尋歌扇

呂渭老蘇武慢

睡香霧煖

清夢畫堂白詞

霏玉集

吳文英

春恨私書

又逐風前斷

張先

卜

歎幽歡未足

姜夔解

雲窗靜掩

周邦彥

空羨雙飛燕

趙雍

紅燭

月將沈

顧夔訴露

微泣

周邦彥

小豔疎香最嬌軟

李元膺

仙歌

畱戀

王特起枕屏

金絡

周密

夜醉眠葱蒨

周邦彥

玲瓏

調笑

集周清真句

遲暮

寒窗

空回顧

點絳脣

今夜長亭臨別處

蘇幕遮

桃溪不作

從容住

玉樓春

心逐片帆輕舉

周邦彥

近綠蕪彫盡臺城路

齊天樂

杜宇催歸聲苦

一落索

訴衷情

集姜白石句

翦燈心事峭寒時

沙澗溪

惟有玉闌知

舊山

漸爲尋花來去

清波

綠萼更橫枝

卜算子

慵對客

鷓鴣天

且裁詩

阮郎歸

夢依

依

小重山 小簾通月

音

衰草愁煙

春探

淚灑單衣

秋宵引

踏青游

集吳夢窗句

倒柳移栽

惜紅衣

隨風化爲輕絮

鶯囀

總不解將春繫住

子西

妝

怕登樓

唐多令

愁未洗

音

翠微高處

飛霜

念聚散

聲聲慢

十年斷魂潮尾

齊天樂

又聽數聲柔櫓

喜遙

庭上黃昏

高陽

臺

醉雲又兼醒雨

解蹀躞

更莫把飛瓊吹去

春

敘分攜

尋

芳秋鬢改荔枝香近舊寒一縷點絳但悵望澡蘭香瑤臺夢回人

遠玉漏夜約羽林輕誤古香

踏莎行

秦淮打槳圖集吳夢窗句

流水凝酥柳梢青暮帆掛雨倦尋芳桃根桃葉當時渡桃源憶

曉鶯聲在綠陰中望江南載花不過西園路點絳脣倦蜨慵

飛掃花游垂楊慢舞西子妝晴煙冉冉吳宮樹鶯序夕陽長是

墜疎鐘滿江紅淒涼誰弔荒臺古霜葉飛

憶故人

集周草窗句

立盡斜陽

三株

東風又入江南岸

齊天樂

閉門空自惜花殘

鵲橋

羞見看花伴

祝英臺

數點杏鈿香淺

鬪金

嘆如今才

消量短

秋

晴絲繫燕

水龍吟

煖蜜酣蜂

解語花

一春過半

宴清都

### 雨中花

#### 集周草窗句

夢隔屏山飛不去

南樓令

嘆轉眼歲華如許

長亭怨

玉鏡塵昏

三姝媚

瓊窗夜煖

一枝春

小小閒庭宇

蝶戀花

睡起折枝無意

緒解語

但羅袖晴沾飛絮

大聖樂

怨蜨迷花

秋

嘯鵲暗碧

都春在無人處

點絳脣

### 點絳脣

送邵子山歸泖上集張玉田句

能幾番游

高陽臺

扁舟忽過蘆花浦

齊天樂

水聲東去

三株媚

聽

鴈聽風雨

探春

斷柳長汀

聲聲慢

一字無題處

八聲甘州

孤村路

南浦故人何許

長亭怨

醉拂珊瑚樹

憶舊游

玉胡蝶

夜窗孤坐雲鴈不來書此爲天末故人問集張玉田

句

夢入梨雲淡處

清平樂

玉簫聲絕

長亭怨

愁滿天涯

八聲甘州

老樹

香遶

三株媚

不是舊日疎葩

瑤臺聚八仙

聽一片瀟湘風雨

祝英臺

近

怕夜寒吹上梅花

疎影

更堪嗟

春從天

來

采芳難贈

憶舊游

綠水

人家柳梢

東閣慢掠詩興一枝故交零落暗香萬里舟車

壺中寂寞春空

洞仙歌斷絲無力綰韶華虞美人且休彈玉關

哀怨音獻仙

想難忘江上琵琶南樓令透紋紗意難淡燈掛壁

渡江酒醒嗁雅朝中

### 探春慢

春日泛舟青黛湖集張玉田句

鏡檻移春

憶舊游歌橈喚玉臺城路好懷無限歡笑霜葉飛雨屋

淡燈移聲

煙蓬斷浦長亭怨猶憶那時曾到南浦夢醒方知夢

八聲  
甘州

渾未省誰家芳草渡江雲幾回聽得嗁鵲祝英臺近總被詩

愁分了

清平樂醉裏不知何處慶清任蹴踏芳塵木蘭飛

清夢重二白詞

霏玉集

下孤峭

游掃花

載酒船空

念奴

爭棋墅冷

湘月

行入野畦淡窈

壺中

隔塢閒門閉

西子

滿煙水東風殘照

微

獨柳禁寒水龍

吟

一夜瘦添多少

摸魚

柳梢青

書鄰女宛珠扇集張玉田句

柳下東鄰

石州

籌花門草

臺城

絕似桃根

三株

譜招新聲

八聲

夢回舊曲

瑤臺聚

簫鼓黃昏

獨影

輕衫厭撲游塵

甘州

忍不住低低問春

慶春

露粉風香

長亭

雲窗霧閣

松風

幾點噉痕

憶舊

醉落魄

集張玉田句

燕簾鶯戶

朝中措

雲漢別有漢庭字

珍珠簾

故園已是愁如許

高陽臺

明月妝樓

八聲甘州

還似去年否

探芳信

舊家池沼尋芳

處

門嬋娟

修眉刷翠春痕聚

虞美人

佯羞卻把周郎顧  
蝶戀花

扇低遮

意難忘

嬌小未成語

祝英臺近

附刻

自題詞卷

瑤琴彈淚滿霜袍。陣陣天風鶴背高。吟徧湘江蘭杜句，伴  
收山鬼入離騷。

和作

錢唐陳裴之孟楷

勸君痛飲讀離騷。莫把瑤琴付子高。十二珠簾雙畫燭，有  
人新奏鬱輪袍。

青浦邵堂眞如

秋絃涼意徹吟袍。酒醒天寒擲笛高。昨夜西風吹夢去，一

江蘆荻月騷騷

元和朱綬仲環

十年著破舊青袍調絕絃孤曲自高無限美人香草恨一  
燈吟屋注離騷

吳縣吳慈鶴巢松

當筵休唱鬱輪袍駿馬驕嘶瘦骨高注罷一篇齊物論擬  
君更作反離騷

長洲褚達椿仙根

酒痕和淚上青袍蟋蟀一聲秋月高知是朝雲腸斷處夜  
窗不雨亦騷騷

吳縣蔣志凝子干

仙才早合錦宮袍  
零落填詞趣愈高  
萬種古愁誰會得  
但須題作廣離騷

長洲王嘉祿井叔

功名羞借鬱輪袍  
秋滿江樓一笛高  
收得女蘿山鬼怨  
青燈細雨續離騷

震澤趙晉函良夫

冷香飛句上青袍  
一笛偷聲高復高  
已是瘦腰禁不得  
紅腔愁唱鬢蕭騷

吳縣董國琛琢卿

舊譜吟寒秋士袍白雲白石兩清高此聲不入人間聽自  
拍香心續楚騷

吳縣潘曾沂功甫

今古才人誤錦袍回頭祇有鶴清高齊歛巴唱人閒徧那  
復知君僕命騷

青浦洪樸素田

年年草色怨青袍小拍紅牙一曲高沅芷湘蘭零落盡不  
堪風雨讀離騷

大興舒位鐵雲

曾脫儒衫著戰袍海天吹蜃霧樓高玉關遠去詞人老閒

折蘭馨甲楚騷

吳縣沈沂曾雪門

白雲飛影滿吟袍譜入瑤琴曲最高屈宋文章香一瓣千秋哀怨併風騷

吳縣戈載寶士

半窗涼月竹蕭騷吹徹西風玉笛高聽到斜陽腸斷句不知清淚已沾袍

桐城劉開孟塗

故人珍重贈綈袍風雨連江白浪高今日讀君冰雪句可

憐青鬢各蕭騷

丁丑冬江上遇風君為易衣履附舟南下

附刻

三

婁縣 欽善 吉堂

楚湘餘恨問離騷。目極瑤天夜月高。蕙帶荷衣收拾盡。餘寒都在玉人袍。

吳縣 曹楫堅 浪甫

閒愁無那託莊騷。三月東風柳絮高。燕子不歸人寂寂。自裁雲葉補春袍。

吳縣 孫義鈞 子和

彩牋題句寫牢騷。和到陽春曲自高。同有天涯淪落感。淚痕容易上青袍。

溧陽 史麟 仲仁

翦雲爲絮葉爲袍。得<sub>レ</sub>上仙山不厭高。偏有嬋娟花月恨。綺情無賴譜蘭騷。

長洲沈亮明亭

不許紅塵染布袍。閉門耽寂轉清高。蘿煙荔雨填詞館。抵得靈均一卷騷。

太原辛瑟嬋女

吟盡離憂屈子騷。楚天秋遠碧華高。都將笛譜兼琴趣。繡上團花五色袍。

沈閨生小傳

同郡陳彬華撰

君諱傳桂字隱之一字閨生。卹叔其自號也。先世嘉靖間由松江朱巷遷蘇之大姚邨。魏叔子文集所稱子方翁者是爲君。遷吳始祖一傳至君八世祖悅溪公遷南濠。卽今沈家街是也。悅溪公諱鯉。明儒王仁孝先生高弟。坦易胸無城府。生前好行陰德。歿後長庠生徐暖來哭。自道姓名。述其所身受。有行人所不能行者。曾祖諱成。映國學生。祖諱鍾文。號澹雲。吳縣歲貢生。卜居城之東北隅。澹雲公有文名。及門甚盛。從游者多得科甲。以去。嘗秉鐸安徽。天長歲饑發賑。有實政。海豐吳紫亭總漕極稱其賢。父諱鴻邦。

號皋溪。吳縣附生。性孝友。壯歲鰥居。防閑瓜李。絕跡花柳。卅有餘年。卓然爲端人正士。皋溪公生丈夫子二。長西山。次卽君也。君幼失恃。稟性穎悟。嗜學不倦。年二十。受知于學使劉文恭公。入府庠。旋食餼。年二十八。中式嘉慶己卯科副貢生。益復肆力詩古文。詞涵泓演迤。日精以選。下筆風發。泉湧。齊輩莫與之抗。雖南北秋賦連不得志。于有司而文譽日起。名動公卿。陶文毅公暨林制軍少穆先生延主公陵講席。一時拔擢。皆知名士。殷述齋學士時爲諸生。肄業院中。君善其文。試輒冠。曹偶後爲同年友。以爲佳話。年四十一。中式道光壬辰科本省第十名舉人。癸巳乙未。

兩赴禮闈薦而不售君素性恬淡自是遂絕意進取閉戶  
著書兼精靈素之學工填詞直與南宋諸老爭席詞中愛  
用夕陽字吳中名之曰沈夕陽潘小浮山人有句云走報  
城東沈夕陽蓋紀實也先是與曹良甫朱酉生彭詠莪潘  
功甫韋君繡吳清如頤道先生目爲吳中七子後偕君從  
昆弟朗亭輩結社聯吟稱北郭十子君敦友誼青浦邵子  
山明府歿于汜水任所其孤扶櫬歸貧無以葬時俞陶泉  
都轉爲郡守君在幕中乞于太守代爲作札馳告四方知  
交集金若干以謀窀穸又每周人之急歲暮常出賣文餘  
貲散棉衣米粟濟人不逮君喪偶後長君長齋奉佛以資

冥福君少慰經案繩牀之痛。居家奉不殺戒。宅後有廢園。園有池。晚年恒畜鷄鳧及鱗介等物。以遂生趣。偶嬰微疾。遽卒。病中自云。尚年十日。計君卒之日。距攬揆之辰。先後之期。適符。殆去來自知者歟。著有東雲艸堂古文集若干卷。抱葉齋詩藁若干卷。俱未刻。有清夢盦二白詞行世。君生于乾隆五十七年閏四月廿三日。卒于道光二十九年閏四月十二日。年五十有八。配吳氏。先二年卒。子二。寶豫。孫一。維驥。

○曰。君系東陽望族。代有聞人。君之才華。固足以紹清芬。而內行醇篤。根于至性。君每言及三歲失恃時。輒流涕。

不止雖數十年如一日苟非孝行克敦惡能如此余與君少時在碧梧道院結拾香吟社又與君兄酉山同受知于玉硯農先生之門以是知君最稔惜乎抱才不羈未竟其用徒使聊浪風月跌宕詩酒有如古狂者流牢騷不平賁志以沒是誠可慨也已

壬辰科舉人閩生沈君墓誌銘

賜進士出身中憲大夫戶部河南司員外郎軍機處行走方略館協修甲辰科會試同考官丙辰科四川鄉試副考官加三級吳縣吳嘉淦譔文

予友朱君酉生沈君閩生皆以詩名吳中有兩生之目庚

子春予官京師聞酉生之喪爲文以表其墓道庚戌秋乞  
假南歸而閏生歿已逾年矣兩生先後徂謝歎詩教之將  
衰不獨痛故舊云亡已也今年冬其孤寶豫等將卜葬君  
踵門稽顙求爲銘幽之文予不能辭君諱傳桂字隱之又  
字閏生先世自松江遷於蘇曾祖成瑛國學生祖鍾文安  
徽天長縣學訓導父鴻邦吳庠生母陸孺人君資聰穎幼  
卽嗜學稍長習爲詩古文詞日以繕箋年二十入府庠爲  
諸生益有名嘉慶己卯中副榜道光壬辰舉於鄉年四十  
餘矣方君盛時才思煥發名動公卿意謂功名可戾契致  
道省試屢紕乃出爲汧漫遊時故人邵君堂爲縣中州君

客於其所者二年。因得徧覽嵩山少室之勝。尋汴泗交流之所。登廣武原。誦阮步兵之語。慨然太息。所爲詩益豪宕。自喜。旣以舉子兩試春官不利。則跼伏窮巷。屏棄夙好。習爲計然之術。以自樂其生。其亦可悲也已。君秉性真摯。自以三歲失母。每言及輒隕涕。與兄西山友愛無間。尤敦友誼。邵君卒官後。貧不克葬。君爲言於俞陶泉都轉。代馳書僚友。情詞悽惻。見者心動。卒賴其力。以營窆窆。其風義有足多者。著有東雲草堂詩文集若干卷。其二白詞已刊行。世所稱沈夕陽者也。君生於乾隆五十九年閏四月廿又三日。卒於道光二十九年閏四月十又二日。春秋五十有

八配吳孺人。先二年卒。子二。寶豫。寶豐。孫一。維驤。以咸豐元年十一月十又四日合葬於蛤壩山吳孺人墓。銘曰。張春水。稱於宋。沈夕陽。名與共。有斯才。時不用。文字流傳。爲世重。

叔父閏生先生既卒之十有八年。同治五年十二月二十日。改葬吳縣五都四圖九龍塢邵家山新阡。先是咸豐十年。有粵匪禍。子寶隨。孫維驤。維驤媳朱氏。楊氏。孫女一。俱投水死。孫女以許字丁有苞。葬丁墓。餘五人。居時。並祔葬先生墓。寶隨原名寶豫。國學生。維驤。光祿寺署正。以員外郎。卹贈廕一子。入監讀書。子寶豐。光祿

寺署正。獨免於難。楊氏暨所生維。嗣旣卒。繼娶吳氏。又  
生孫三。維駢。維駢。維駢。同治壬申十月朔。胞姪寶謙附  
誌。

叔父自存之集庚申後已燬於火專集行世止此詩餘而  
所鐫板亦多殘缺乙丑歲都門謁選得其印本再爲補刻  
并附小傳墓誌於後以俟來者詳焉壬申冬至後三日胞  
姪寶恒謹跋